

www.BibleForChildren.org



Jan 14



Ne yó bud mon Jisas mò kul, monen, “Hol bê ye hesbeweg kehedem ye. Snalig ye Dwata, ne snalig ye ou snéen. Bè benwu Mà, tey dê gónô nô. Yó nógówu etu naw e hemtifes bélé ye gónó ye angat nô.”



“Là kô tulónu du kuy nim ni ke là tahuhen. Ke sok deng kehetifesu bélê ye gónô nô,” monen, “bude semfulék edini naw e nangay yu. Yó se dou gónô nô, yó se kuy gónô nô.”



Ou se Jan, yóm sotu dumu ye setwoli. Lemwót bè
yóm klolou ke Jisas, denge mkél bélê ye ne bè
yóm kehbala ye du yóm keglayam sut bè


yó kem tau nogot Jisas. Ni deng mom
htólóng le o bè ni bè



Patmus, yóm sotu
hungul nô talak
mohin.



Yó duón le do lanu tmlók yóm Udél Dwata,
ne yóm ktahuhén lemwót bè Jisas.




Ne tódô sen-gengen se nô béléu yóm Tulus Dwata.
Ne tódô tonu se bè yó bè longit yóm bangkù gónón
myón yóm fen kmamal, ne tonu se yóm myón taken.



Ne tódô gungolu se yóm sngal yóm kentihen nô bè
longit ne kentihen nô te tonok, ne kentihen nô laan
tonok, ne kentihen nô lem mohin,
tódô le gotu semngal, mon le,
“Megdóyón yóm myón bè yóm
gónón kmamal.”




“Megdóyón snéén yóm Ngà Ubiha. Tey knóón ke laen dù tul sónen yóm kesdóyón tekuy kul ne yóm kadat tekuy kul lemwót bè yóm tey kegeta le ne yóm tey kfasang le.”




Ne tódô tonu se yóm tey Syudad Dwata, yóm lomi Jirusalim. Tódô htuntun gu tta lemwót gu bè Dwata. Hol lómón ktiloben yóm libun deng eles hegkes bè kyehehenen. Ne tódô gungolu se yóm mudél lemwót bè yóm bangkù gónón myón yóm fen kmamal, hgelen udélen,


monen, “Ngem yóm kun gónó nô Dwata, deng eles nô lem blóng kem tau ne. Angat tódô hlós nô bélê le, ne lu se baling kem kun tau. Là kóen na a bud skó bélê le ne, yakà du se kul Dwata.”



Omin yóm hógów Dwata tmlók du do yóm tey él tikaw
sminang mlel bè yó, yóm mon le, él hlowil tau. Tódô
mlel lem wót gu bè yóm bangkù gónón myón kmamal
Dwata lewu le yóm Ngà Ubiha, hlós mlel ebè gónón
sóól yóm lan bè yóm syudad yó.



Ne laen kô dù nóng kdaw duhen ke nóng bulón bè yóm syudad yó, abay se yóm layag Dwata tódô seflós mnóng bè yó, ne yóm Ngà Ubiha hanged soloken.




Okóm là kóen gusek bè
yó yóm là mólósen,
duhen yóm tau gel mò
yóm gónón hemyak
knô, ne yóm tau gel mò
kéng. Són olo gusek,
són yó kem tau deng
gsulat boluy le bè yóm
bok lowil, duhen yóm
kun bok yóm Ngà
Ubiha.




“Angat gotu nifuhén yóm lewok
bè mata le. Laen kô dù bud tau
matay ne, ne laen se dù bud
knangag le, ne laen dù bud nkik
le ne laen se dù bud tenduk le,
yakà dengen gotu lana ne yóm
gnan.”




Ne bè yóm syudad yó, laen kô dù bud tonem bè yó yóm gónó le glayam kem tau lemwót bè ktafak Dwata kul. Nô bè yó se yóm bangkù gónón myón kmamal Dwata lewu le yóm Ngà Ubiha. Ne gotu dóyón le Dwata yó kem tauhen. Deng le hol tahu suyó ke Dwata ne, ne yóm kun boluy Dwata, sket snulat lem uyó le.



Ne tonu se yóm kdéen tau deng tehe matay, yó kem tau hol geta kólen bè yó kem olo leneken, gotu le mdà bè solu yóm bangkù sminang bukay yó. Ne omin le lemungkà yó kem bok. Ominen bud wen sotu bok lenungkà le, duhen yóm bok lowil. Ne yó kem tau deng tehe matay, gotu knukum Dwata lu lemwót bè yóm tehe gel nmò le, yóm deng snulat le bè yó kem bok lenungkà le yó. Yóm tau ke là nóen bè yóm bok lowil yóm kun boluy, tódô tudà le elem lanaw ofi.



Yó udél yóm Tulus Dwata dalang se yóm libun yehen
yóm Ngà Ubiha, mon le, “Géhél ye ne.” Ne yó kem tau
mungol du, yake bud mon le kul, “Géhél ye ne.” Géhél
le edini ne yó kem tau meeng na le e minum bè yóm él
hlowil tau, yóm él là kô feng benli du. Yóm tau móyô,
géhél minum
ne.



Tey alì kbong nawa Dwata kul yó kem
tau bè klamangen benwu, gloken tódô
hamà klowil yóm Ngaen tek sotu, anì
yó, kihiu tau hemtahu béléen là
gógówen elem hatay, okóm
gutahen yóm klowil
laen dù sónen.



Rom 3:23 Tódô kdéen tau gotu gemsalà bè Dwata. Yó gónóhen laen dù tau gmulit du yóm tey kun klinggel nawa.

Rom 6:23 Yó bayad salà, hatay. Okóm wen yóm tódô blay Dwata, duhen yóm klowil laen dù sónen, hlanan bè yóm deng kessotu tekuy bè Krays Jisas, yóm gónó tekuy mogot.

Hibru 9:27 Laen kô dù tau se ke là suléken du matay, omin Dwata kmukum du.

Ifisus 2:8,9 Yakà lemwóten bè kun tóbóng Dwata yóm gónó tekuy gewà gu lem hatay lan tekuy hemtahu bè Krays. Là kóen lemwót bè nmò tekuy gónó tekuy gewà, kaem tódô lemwót bè yóm kun tóbóng Dwata. Laen kô bang gónó tekuy hegmón du nim ni.



Rom 10:9,10 Ke gel tulón ye bè dumu tau yóm Jisas hol gónó ye mogot, ne ke hentahu ye yóm deng kehlowil Dwata du gu lem hatay, yó se gónó ye gewà gu lem hatay. Abay se lemwót bè yóm kehtahu tekuy, yó se gónón baling tedeng kton Dwata tekuy. Ne lemwót bè yóm gel ktulón tekuy du bè kem dumu tau yóm deng kehtahu tekuy, yó se gónó tekuy gewà gu lem hatay.

Jan 3:16,17 Tey alì kbong nawa Dwata kul yó kem tau bè klamangen benwu, gloken tódô hamà klowil yóm Ngaen tek sotu, anì yó, kihu tau hemtahu béléen là gógówen elem hatay, okóm gutahen yóm klowil laen dù sónen. Là kô yó du gónó Dwata hógów yóm Ngaen elem benwu ke nan e tnuled kem tau. Okóm yó gónón hógów du mò lemwà kul gu lem hatay.



1 Jan 5:11-13 Ni sii yóm deng mon Dwata: Wen klowil laen dù sónen deng blayen tekuy hlanan bè yóm Ngaen. Yóm tau ke deng henmóyóen yóm Ngà Dwata, deng gutahen ne yóm klowil laen dù sónen. Okóm ke là henmóyóen du, là kô gutahen du yóm klowil yó. Yu kem tau deng hemtahu bè kun Ngà Dwata, yó gónóhu smulat ebélê ye ni anì hol tngón ye yóm deng eles kwen yóm kuy klowil laen dù sónen.



Jan 14; 2 Kurin 5; Deng Hegfan 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Tboli Bible (tbl) © 2007, Wycliffe Bible Translators, Inc. All
rights reserved.

<https://www.bible.com/bible/288/GEN.1.TBL>

©2025 Bible for Children, Inc.

www.M1914.org

www.bibleforchildren.org

